

*Imperium ma-
jorum.*

*Comitatus
Monumethesis.
Imperium majo-
rum.*

*Glamorgania.
Imperium majo-
rum.*

*Ager Maridu-
nensis.*

*Penbrochia.
Imperium majo-
rum.*

*Ceretica.
Imperium majo-
rum.*

grum regnante Gulielmo Rufo, Bernardus de Novo-mercato, sive *Nevumarch* Normannus, vir animi consili-
que plenus, conscripta non parva Anglorum, & Normannorum manu, primus aggressus difficili bello a Cambriis
extorsit, Nestamque Gruffini Principis filiam uxorem duxit. Quæ cum filium Mahelem patrimonio spoliasset,
Sibylla ejus soror illud adiit, virumque suum *Milonem* Herefordiæ Comitem hoc honore auxit, a quo successive
ad *Breos*, *Bohumos*, *Staffordos*, illisque proscriptis, ad Regem redditus in hoc agro longe amplissimi devenerunt.
Berchiniæ, & Herefordiæ ad Meridianam plagam subjacet Comitatus *Monumethensis*. Hic Saxonica Heptar-
chia Vallis montanis paruit, qui tamen ut in Legibus antiquis videre est, sub Occiduorum Saxonum imperio
erant. Normannorum vero primis temporibus limitanei Duces gravissime afflixerunt, præcipue *Hamelinus*
Baluu, *Hugo Lascey*, *Gualterus* & *Gilbertus* Clarenses *Striguliæ* Comites dicti, & *Brienus* *Vallingfordensis*, qui-
bus cum donassent Reges, quicquid hoc tractu, devictis Vallis, occupare potuissent, hi superiorem Agri partem,
illi inferiorem, quam *Netheruvent* dixerunt, in suam paullatim potestatem redegerunt. Ultima Silurum Re-
gio est *Glamorgania*, cujus ab ipsa Provinciæ expugnatione Domini fuerunt a *Fitzhaimone* recta linea descendē-
tes *Glocestriæ* Comites, *Clari* & *Sponceri*, inde *Bellocampi*, & *Nevillus* unus & alter, & per *Nevilli* Filiam è *Spenceris*
oriundam *Richardus* III Angliæ Rex, quo interfecto, *Henricus* VI in hujus agri hæreditatem crevit, *Gasparius*
Bedfordiæ Duci patruo suo concessit, quo sine prole defuncto, ad se universum ius Rex revocavit, a Filio
Henrico VII reliquit, cuius Filius *Edvardus* VI maximam eius partem *Gulielmo* *Huberto*, quem *Penbrochiæ*
Comitem, & Baronem de *Caerdiff* creatat, venundedit. Ad *Dimetas* transeo. Hic primo loco occurrit *Ager*
Maridunensis. In eo Fons est (ut scribit *Giraldus*) qui naturali die, bis undis deficiens, & toties exuberans marinas i-
mitatur instabilitates. *Penbrochia* Proxima est, Huius Comitem *Gilbertum Strongbovu* fuisse lego, cui *Stephanus*
Rex *Penbrochiæ* Comitatus titulum primus contulit. Ille *Richardo Strongbovu* filio, *Hiberniæ* domitori reliquit.
Huius unica Filia *Isabella* *Gulielmum* Dominum de *Hempsted*, Angliæ Marescallum, maritum eodem adauxit,
virum belli pacisque artibus florentissimum. Filiique ejus v. successive *Penbrochiæ* Comites fuerunt: *Guliel-
mus* *Junior* dictus, *Richardus*, *Gilbertus*, *Gualterus* & *Anselmus*. Quibus omnibus sine prole intra breve tempus
sublatis, Comitatus hujus gladio *Henricus* III *Gulielmum* de *Valentia* è *Lusigniana* in *Pictonibus* familia cinxit.
Huic successit filius *Audomarus*. De reliquis Comitibus lege *Canidenum*. Tertia *Dimetarum* Regio est *Ce-
retica*. Ejus orā Normanni vix suo in *Britannia* imperio confirmato, statim tentarunt, & feliciter quidē res suc-
cessit, *Maritima* enim paullatim, Vallis extorserunt, sed maximam ejus partem cōcesserunt *Cadugano* filio *Ble-
thini*, *Britanno* prudentissimo, cujus gratia plurimum in universa Vallia poterat, & quo amicissimo utebatur
Angli. Sed cū ejus Filius *Oënnus* Anglos assiduis excursionibus infestaret, infelix pater patrimonio mulctatus, in
Hiberniā se subducere coactus est. *Cereticam* vero Rex *Henricus*, I. Comiti *Clare* *Gilberto* donavit. Sed *Caduga-
nus* cum *Oëno* filio in gratiā postea ab Anglis receptus, quæ sui erant patrimonii etiam recepit. *Rogerus* de *Clare*
postea *Cereticam* *Henrici* II munificentiā accepit. Sequuntur jam *Ordovicum* Comitatus percurrendi, inter
quos